



*I ladins slomina sön la pista „Petschied“ ia en Lijun, Diego Tschaffert fej só le titul de campiun talian.*

Lüsa – I campionac taliagn é uramai n apuntamënt tradizional tl sport dla lüsa alta. In chësc ann é la seziun dla lüsa da Lijun che s'à tut sö l'impegn de organisé la competiziun, che é ruvada a süa cuinta edizion. Les basses temperatüres dl fin d'edma y le paesaje curì dala nëi ti à fat da cornisc ala competiziun, por i atlec condiziuns otimales por garejé.

Protagonist dla gara y neocampiun talian é Diego Tschaffert da La Val, che dominëia la pista “Petschied” y pó mostré sö le miú tëmp sides dla próma manche la sabeda co tla secunda manche dla domënia (2'12.83). Le favorit pluripremié da Lijun Roman Kaser mëss deperpo se acontenté cun en setim post final dan le publich de ciasa.

La jona Rubatscher Manuela da La Val pó ince ester capaza dl'arjënt cun le secundo miú tëmp dles ères do la championëssa taliana da Porsenù Theresa Hilpold. Brunner Shamira fej tla tlassifica generala le 5. miú tëmp y Nagler Luisa da Longiarü le 9. post. Le curù dla bandira ladina tles singoles categories pon ciamó udëi tla pert alta dla tlassifica pro Miribung Elena (3.post), Brunner Philipp (2. post), Frenes Oliver (3.post), Pescolderung Roman (5. post), Ploner Alex (8. Post) y i fredesc Serafini Lorenzo y Daniele (16. y 19. post).

Cun i bugn resultac dl'ultim fin dl'edma pó i atlec se preparé cun maiú determinaziun ales competiziuns de forá, por i campionac provinzial a Deutschnofen y i tan aspetà campionac europeics a Winterleiten tl'Austria.

I plazamënç di campionac taliagn: [risultati Südtirolcup](#)



© 2017 gruber technik.com



© 2017 gruber technik.com



© 2017 gruber technik.com



© 2017 gruber technik.com



© 2017 gruber technik.com



© 2017 gruber technik.com



Por atres foto: <https://www.sportrodel.it/fotos/>